

نَامَه پوُلُسِ رسول وَه کليسا روم

١٤ بِي خَوَرِ بوئينو گه چن گل قَصَم داشدى بام اَرَه
 تَكْتو، مِنتائى هر گلي چيئي پيش هاتى، تاگه
 انوم هُمَه ثمرى درو گم، هَرَهَن گه انوم باقى
 خَرِيهود تِلِم كِردى.

١٥ اَرِيگه دِن يونانيلِ ثو بَرَبِرلِ ثو دونائِلِ ثو
 نايوئلِ ها مِل مَن ار. ١٥ اِسَه، شوق ديرم گه
 انجيلِ لوم گم اَر هُمَه پيش گه هاينون روم ار.
 ١٦ اَرِيگه مَن اَر انجيلِ عارِمِ نِمَاي، اَرِيگه
 قَوِيَتِ خدَاءِ اَرَه نجاد هر كى گه ايمو بارى،
 اول بار يهودِ ثو دُمَاخِرِ يونانى. ١٧ اَرِيگه انوم
 انجيل، اَ صالِح بِيئِي گه اَر خدَاءِ آشگارا ماو،
 گه اَر اول تاگه اَخِرِ اَر پَاءِ ايمون. هَرَهَن گه
 انوم كِتَاو حَبَقُوَقِ پَحْمَرِ نُيسِيَاءِ: «آم صالح وَه
 ايمونا زِنَه ي مِهه.»

خَضو خدا اَر بشر گناكار

١٨ اَرِيگه خَضو خدا اَر اَسْمونِ ما اَرَضدِ گلِ
 جور بِي دِيَنِي ثو ناراسيِ مردمى گه وَه ناراسيو
 نوا حَخِيخَتِ مَكِرِن. ١٩ اَرِيگه اَ چِيئَه گه ماو
 اِبَارَه خدا بَشْتاسِيَن اَر اُو آشگَار، اَرِيگه خدا اَوَه
 آشگارا كِرْدِيَسِي اَرِينو. ٢٠ اَرِيگه، اَ صَفْتَلِ خدا
 گه نِمَاو بوئِينو، يانِي قَوِيَتِ اَبْدِي ثو ذَاتِ الهِي
 او، ماو اَر اَ اولِ خَلَقَتِ دنيا، انوم چِيئَلِ گه
 خَلَكِ بِيَنِ خُو بوئِينِن. اِسَه اَوَنِ هِيچِ دَسْپِيچِي
 نَرِن.

٢١ اَرِيگه وَه يَاگَه خدائو شناسي، مِنتائى
 اِجور خدا، عَزْتونِ اَرِي نَنيا ثو شِگِرُو نَهَرْد، بَلِكَم
 انوم فِكِرَلو گِرَفْدَارِ چِيئَلِ باطلِ بِيَنِ ثو دَلَلِ

اَر پوُلُس، خُلَمِ مَسِيحِ عِيسِي،
 گه دَوَتِ بِي تاگه رسول بو ثو وَخَمِ بَيَسِ
 اَرَه انجيلِ خدا؛ ٢ هَرَا انجيلِ گه خدا وِرْكار،
 وَه سونگِ پَحْمَرَلِ ووژ، انوم نُسَخِ مَقْدَسِ وَدَه
 دائِيَتِي، ٣ ثو اِبَارَه كُرِ اَوَه، گه اَر لِحَاظِ جِسْمِ اَر
 نِيسِلِ داوودِ پاتِشا هاتِ دِي، ٤ ثو اَر لِحَاظِ رُوحِ
 قُدوسِيتِ وَه سونگِ زِنْيابِيئِي اَر مَرْدِلِ وَه قِدِرْتَا
 لوم بِي گه كُرِ خدَاءِ، يانِي خدَاونِ ايمَه عِيسِي
 مَسِيح. ٥ خدا وَه سونگِ مَسِيحِ فيضِ دائونمو
 تاگه رسوللِ او بوئيمو ثو كُلِ مَلْتَلِ بارِيَمِ اطاعِي
 گه اَر ايمون. ٦ يَه اَرَه هُمَه پيش هَس گه دَوَتِ
 بِيَنونِ تاگه هِنِ عِيسِي مَسِيحِ بوئِينو؛
 ٧ وَه كُلِ اَوْتَلِي گه انوم شَرِ روم، خدا دوسو
 دِيرِي ثو دَوَتِ بِيَنِ تاگه ايمودارلِ مَسِيحِ بوئن:
 فيضِ وِسلامَتِي اَر جَوْنِمِ خدا، باوَه ايمَه، ثو
 خدَاونِ عِيسِي مَسِيحِ، اَر هُمَه بو.

شوق پوُلُسِ اَرَه روم

٨ وِر اَر هر چي، وَه سونگِ عِيسِي مَسِيحِ، وَه
 خَاطِرِ كَلْتو شِگِرِ خدَاءِ ووژمِ مَهَم، اَرِيگه خَوَرِ
 ايمونتو پَشْخَا بَيَسِ انوم كُلِ دنيا. ٩ اَرِيگه خدَايِ
 گه وَه گِيونِ ثو دَلِ اَنجِيلِ كُرِي خِلْمَتِ مَهْمِي
 اَرِي، شَاتِ مَنِ گه چَطُورِ هَرِ هَامِ وِرِ هُمَه
 ١٠ ثو هَرِ اِ دوعَالِمِ يَمِ مِ گه اَر خدا بِيَتِي اِسْگَه
 اَخِرِي بَتونمِ بامِ اَرَه تَكْتو. ١١ اَرِيگه شوق ديرم
 بوئِينمَتو تاگه بَرَكَتِ روحاني اِي بِيَمِ ثونتو گه
 تَقْوِيَتو كِ؛ ١٢ يانِي تاگه اَر ايمو بِيَكْتَرِي دَلْگَرْمَا
 بوئِيمو، ايمو مَنِ ثو ايمو هُمَه. ١٣ اِ اِبْرال، نِمِمِ

وَه آ چیه گه آر یکی تر حکم مهین، آر ووژت حکم مهین؛ آریگه تو لا داور، ووژت هرا کارل مهین. ^۲ ایمه مذانیم داوری خدا آر کسلی گه هُن کارلی آنجوم مین، حخ. ^۳ ایلَهه تو گه آر کسلی تر حکم مهین تو ووژت هرا کارل آنجوم مین، مَر گُمون مهین گه از داوری خدا مچین ار؟ ^۴ یاگه مریونی، صبر تو تیمیل فره خدا وه هیچ مذانین تو نمدانین گه مریونی خدا آره یس گه تو باری ویر توه؟

^۵ منتائای تو وه خاطر یگه اژیر نمچین تو یگه دلت نیمیتی توه بهین، خضو آره ووژت، آره روژ خضو آمار مهین، آ روژ گه داوری عادلونه خدا انوم آشکارا ماتی. ^۶ خدا «وه هر کی مطابق کارلی سزاء م.» ^۷ او ژبیاین ابدی موئشخی کسلی گه وه صبر! آنجوم کازل خو، هان آر دُم جلال تو عزت تو زینه ی ابدیا؛ ^۸ منتائای خض تو خضوه ماری آرسر کسلی گه هر هان فکر ووژونا تو از حخیخت اطاعت نمهن بلیم از ناراسی اطاعت مهن. ^۹ هر کی گئی بهه، جور تو عذاق ماتی نصی. اول بار یهود تو آسه یونانی. ^{۱۰} منتائای هر کی خوئی بهه جلال تو عزت تو ستار ماتی نصی، اول بار یهود تو آسه یونانی. ^{۱۱} آریگه خدا دوچیمکی نیمهه.

^{۱۲} کل کسلی گه بی شریعت موسی گنء مهن، بی شریعت یش نابود موئن؛ تو کل کسلی گه اژیر شریعت گنء مهن، وه سونگ شریعت داوری موئن. ^{۱۳} آریگه کسلی گه شریعت مشتوئن آرتک خدا صالح نین، بلیم کسلی گه شریعت مارن جا صالح وه حساو مان. ^{۱۴} اراسی، وخی خریهودیل گه شریعت نین، کارل شریعت مطابق طبیعت مارن جا، اوئل وه یاگه شریعت نین، آره ووژو شریعتی کین. ^{۱۵} اوئل نشون مین گه کارل شریعت نیسیاس

نفیمو تیریکا بی. ^{۲۲} ادعا حکمتون مهرد، منتائای آخمخا بین ^{۲۳} تو جلال خدا ابدیو عوض کرد گرد مجسمه لی اجور انسو فانی تو ملل تو جوئل تو جونورلی گه وه ژیر لما سر مگیرن. ^{۲۴} آسه خدایش اوئل انوم شوتل دلو تسلیم ناپاکی کردی، تاگه بی عزتی بهن لار ووژو. ^{۲۵} اوئل حخیختی گه اباره خداء عوضو کرد گرد درو، تو مخلوقون اجال خالق پرسی تو خلعت کرد، خالقی گه تا ابد بمارک. آمین. ^{۲۶} اژوئس خدائیش اوئل تسلیم هواوهوسل ننگبار ووژو کردی. جُج ژنل یشو، رابطه طبیعیو عوض کرد گرد رابطه خریطعیو. ^{۲۷} هر آژی جور، پیالیش رابطه طبیعیون گرد ژنل ووژو ناء لا، تو انوم اگر شوت آره یکتری ستن. پیال گرد پیال کارل ننگبارو کرد، تو مکافات خطائون درین ووژو گرتو.

^{۲۸} هرهن گه شناخت خدا آره اوئل ارزشدی ناآشدی، خدا اوئل تسلیم فگزل گنو کردی تاگه آوه گه نباس، آنجوم دن. ^{۲۹} اوئل از گل جور نادریسی، شرباری، ظما تو گن هستین پرن. پر از خسوئی، آم کشین، جنگ، رنگری تو گن هستین آره کسلی ترن. اوئل راوبار، ^{۳۰} بختیمچی، دشمن خدا، گرساخ، قرات تو هوقلین. آره آنجوم داین کازل شر، ربئل نوو دریس مهن. فربون از داباوهو نمیرن، ^{۳۱} نفیم، بی وفا، بی عاطفه تو بی ریمن. ^{۳۲} وه یاگه از حکم عادلونه خدا خور دیرن گه مجازات کسلی گه هُن کارلی مهن مرگ، نه فخد ووژو یوئن آنجوم مین، بلیم کسلی شی گه اپی کارل مهن، تأیید مهن.

داوری عادلونه خدا

۲ ایلَهه تو لا کسی گه آر یکی تر حکم مهین، هر کی گه هین هیچ دسپیچی زین. آریگه

بو ئو ختینه‌یش کار قلبی‌ای کَ گه وه دس روح خدا آنجوم ماو، نه وه‌سونگ کلمه‌لی گه ئیسیاء. هُن کسی خدا تیریف آژین مهیتی، نه انسوا.

خدا آموندادَر

۳ اسه فاده یهودی بیئین چی ئو ختینه چه ارزشدی دیری؟ ۲ فزه، اژ گل لحاظی. اول یگه کلوم خدا وه آمونت سپارتیاس‌ئونو. ۳ آژ پری آژینو آموندادَر نوئین چه باس بوشیم؟ آیا آموندادَر نوئین اوئل، آموندادَر بیئین خدا باطل مهه؟ ۴ هرگس! جُج آژ کل آمل دروزن بوئن، خدا راس‌وَش! هرهن گه انوم کتاو زبور داوود ئیسیاء:

«آژوئس و خدی قصه مهین،
خخ ها دس تونا،

ئو و خدی داوری مهین، فائق ماین.»

۵ منتائای آژ نادریسی ایقه دُریسی خدا ویشتر آشگرا مهه، چه باس بوشیم؟ مَر خدا و خدی گه خضوءه ماری سَرمو ظالم؟ اجور انسو قصه مههم. ۶ اصلا. آریگه اسه خدا چطور متونی آر دنیا داوری بهه؟ ۷ منتائای «آژ وه‌سونگ درو مه راسی خدا ویشتر جلال مگری، دیر من آژا اجور گناکاری مکوم موئم؟» ۸ ئو آژا نوشیم: «بورن گنی بهیم تاگه خوئی باء عمل»، هرهن گه پری بُختمون آری دایم ادعاء مهن گه ایقه هُن موشیم؟ مکومیت یوئن عادلونته.

کس صالح نی

۹ اسه چه باس بوشیم؟ آیا وِض‌حال ایقه یهودیل بیتر؟ اصلا! آریگه وِکار ادعامو کِرد گه یهود ئو یونانی هردک هان ژیر گنار. ۱۰ هرهن گه ۱ سُخ مقدس ئیسیاء:
«کس صالح نی، جُج یکی.»

آرزی دَللو، هُن گه وِردانو شاتی م ئو فِگِرل آرضد یکو، یا مکومون مهه یا تیرنه‌ئون مهه. ۱۶ یه! روزی آنجوم مگری گه خدا مطابق انجیلی گه مه الوم مههم، وه‌سونگ عیسی مسیح، آر رازل دل انسوئل داوری مهه.

۱۷ منتائای آژ تو گه ووژت یهودی مذانین ئو نکئ مین آر شریعت ئو آریگه خداه مَشْتاسین وه ووژت مَنازین، ۱۸ تو گه خواس اوئه مذانین ئو آریگه اژ شریعت تیلیمت گِرتی، آوه گه اژ کل بیتر شبه مهین، ۱۹ ئو اطمینو دیرین گه رِنما کورلین ئو آره کسلی گه هان انوم تیریکی‌ار، نیرین، ۲۰ مری نابوئل ئو مَلم آیلل گَجَرین، تو گه ۱ شریعت، میرفت ئو خخیخت آجور گه ماو بوئینی دیرین، ۲۱ اسه تو گه یاء باقی مین، یاء ووژت نیمین؟ تو گه آرضد دُزی موعظه مهین، ووژت دُزی مهین؟ ۲۲ تو گه موشین نَباس زنها بهین، ووژت زنهاه مهین؟ تو گه اژ بَتل بیزارین، ووژت معبدل خازت مهین؟ ۲۳ تو گه وه شریعت مَنازین، آیا وه اژیر پا نائی بی‌عزتی آر خدا نیمهین؟ ۲۴ آریگه هرهن گه انوم کتاوُل پَحْمَزَل ئیسیاء: «وه خاطر همه، انوم خریهودیل کِفر موشن ئم خدا.»

۲۵ ختینه و خدی آرزشد دیری گه شریعت بارینون جا، منتائای آژ بنینونی ژیر پا، اجور یَس گه ختینه نوئینون. ۲۶ اسه آژ پیای گه ختینه نوئی، حکمل شریعت باری جا، آیا ختینه‌نوئین او ختینه وه حساو نیما؟ ۲۷ اسه آوه گه انوم جسم ختینه نوئی، منتائای حکمل شریعت ماری جا، تو مکوم مهه، تو گه وه‌یاگه حکمل شریعت دیرین ئو ختینه بین، شریعت منین ژیر پا.

۲۸ آریگه یهودی آوه نی گه وه ظاهر یهودی بو، ئو ختینه‌یش کار ظاهری ئو جسمونی‌ای نی. ۲۹ بلیکم یهودی آوه‌س گه ۱ باطن یهودی

آره نیشو داین عدالت خدا آنجوم گرتی، آریگه
خدا! صبر الهی ووژ، گنا نواینلّه وه نیئ گرتی.
۲۶ یه آره نیشو داین صالح بیئین ووژ! ایی زمون
بی، تاگه ووژ صالح بو ئو کسی شی گه ایمون
آر عیسی دیری، صالح وه حساو باری.
۲۷ اِسّه دیر چه جا افتخاری هس؟ جای
نری. وه سونگ چه آ؟ وه سونگ شریعت کارلا؟
نه، بلکم وه سونگ شریعت ایمونا. ۲۸ آریگه
ایمه باوار دیریم گه انسو وه ایمون گه
صالح وه حساو مای، بیگه کارل شریعت
آنجوم د. ۲۹ یانی خدا فُخْد خدای یهودیل؟
مَر خدا خریهودیل یش نی؟ آلوت گه او خدا
خریهودیل یش هس. ۳۰ آریگه فُخْد یه خدا
هس، ئو ایی خدای ختینه گریائل اژ رئی ایمون
ئو ختینه نگریائل وه سونگ هرا ایمون صالح وه
حساو ماری. ۳۱ ایلّه مَر وه ایی ایمون شریعت
اِزمرمنیم؟ هرگس! بلکم پایارا مهیمی.

صالح وه حساو هاتین ابراهیم اژ رئی ایمو

۴ ایلّه اِبارّه آچیئه گه ابراهیم آوردی دس،
چه بوشیم، او گه مطابق جسم، باؤه جد
ایمه وه حساو مای؟ ۲ آریگه آر ابراهیم وه کارل
صالح وه حساو هاتوئی، چیئ آره افتخار کِردن
داشدی؛ مِنتائای آرَتک خدا هُن نی. ۳ آریگه
نُسُخ مقدس چه موشی؟ «ابراهیم ایمو آوردی
آر خدا ئو به آره صالح بیئین وه حساو بهاتی.»
۴ اِسگه کسی گه کار مهه، مِزْدسی حخ او
وه حساو مای، نه پیشگشی. ۵ مِنتائای آوه گه
کار نیمه، بلکم ایمو باری آر خدای گه بی دیتل
صالح وه حساو ماری، ایمون او صالح بیئین آره
وه حساو مایتی. ۶ هرا جور گه داوودیش، کسی
گه خدا جیا اژ کارل صالح وه حساو ماری،
بِماریک مذانی ئو موشی:
۷ «خوزگال اولی گه خطائو بَشخِیاء

۱۱ کس فیم نری،
کس مبی خدا نیمه.
۱۲ گل اژ رئی اِرهاتین،
ئو وه گرد یک باطل بین.
کس خوئی نیمه،
جُج یکی.»
۱۳ «تینو قور وِشائی ک
ئو وه زوئونو فن مین.»
«ذیر خفی ها ژیر اِچلون ار؛»
۱۴ «دمو پر اژ تیلی ئو نئز.»
۱۵ «ئو پائلون آره خوین رِشون زل؛
۱۶ هر جا مَچن، خراوی ئو نهات،
میلن آر جا،
۱۷ ئو رئی صُبل وِسلامتی نِمِشْتاسِن.»
۱۸ «ترس اژ خدا! چِیملو نی.»
۱۹ اِسگه مَذانیم گه آ چیئه گه شریعت
موشی آره کسلی ک گه هان ژیر شریعت ار
تا هر دمی بوئی ئو گل دنیا وه خدا جوواو
بِین دُما. ۲۰ وه چوینا گه هُیچ بشری وه کارل
شریعت، اِ چیم خدا صالح وه حساو نیمای،
آریگه شریعت، گنّاء مَشْتاسِنِ ایمه.

صالح وه حساو هاتین اژ رئی ایمو

۲۱ مِنتائای اِسگه، آ صالح بیئینی گه اژ خدای،
جیا اژ شریعت آشکارا بی، هرهن گه شریعت
ئو پَحْمَرَل شاتی آرین مینی. ۲۲ ایی صالح بیئینی
گه اژ خدای اژ رئی ایمون آر عیسی مسیح ئو
ماو نَصی گل کسلی گه ایمون مارن. آریگه هُیچ
فرخی نی. ۲۳ آریگه گل گنائو کِردی ئو اژ جلال
خدا کم مارن. ۲۴ وه فیض خدا ئو وه سونگ آ
نَسَخ آزادی ای گه ها نوم مسیح عیسی ار، وه
مِفت صالح وه حساو مان، ۲۵ گه خدا ورکار
عیسی مسیح آره کفاره گنائل مَین کِردی، تاگه
وه سونگ خوین او، اژ رئی ایمو باء دس. یه

ئو گناڤلو پوشیاء.

^۸ خوزگال کسی گه خداون گناڤلی،

آر حساو ننتی.»

^۹ آیا اِی خوزگال، فَعْد آرِه خَتینَه گِریائِل یا آرِه خَتینَه نَگِریائِل یش هَس؟ آرِیگه موشیم ایمو ابراهیم آرِه او صالح بیئین وَه حساو یهات. ^{۱۰} اِی! چِه وَضی هُن آرِه حساو بیئِی؟ آیا دُما یِگه خَتینَه بی یِگه ور اژ آلوت گه ور اژ یِگه خَتینَه بو، نه دُما آوه. ^{۱۱} ابراهیم نشونَه خَتینَه گِرتی تاگه میری بو آر صالح بیئینی گه ور اژ خَتینَه بیئینی، وَه سونگ ایمو بوئیتی نَصی. تاگه او باوَه کل کَسلی بو گه بی یِگه خَتینَه بوئن ایمون مارِن تاگه صالح بیئین آرِه اوئل یش وَه حساو بای. ^{۱۲} ئو باوَه خَتینَه گِریائِل یش هَس، یانی باوَه اوئلی گه نه فَعْد خَتینَه بین، بَلِکِم اِنوم رئی ایمو گوَم مَن، اِنوم هَرأ رئی ای گه باوَه ایقه ابراهیم یش ور اژ یِگه خَتینَه بو، گوَم مَنیاتی.

^{۱۳} آرِیگه وَه سونگ شریعت نوئی گه وَدَه هاوَنَت ابراهیم ئو نِسل او گه دنیا مَیَرِن میرات، بَلِکِم وَه سونگ آر صالح بیئینی گه اژ ایمون. ^{۱۴} آرِیگه اژ کَسلی گه هاِن ژیر شریعت اِر میرات بَیَرِن ایمو باطلَ ماو ئو وَدَه پُیچ. ^{۱۵} آرِیگه شریعت خَضوَه ماری؛ مِنتائای جای گه شریعت نِی، اِشکونِن شریعت یش نِی.

^{۱۶} اژوَنَس، وَدَه تکی هایِی آر ایمو تاگه آرزی فیض بو ئو آرِه گل نِسل ابراهیم ضَمونَت بو، یانی نه فَعْد آرِه اوئلی گه هاِن ژیر شریعت اِر، بَلِکِم آرِه کَسلی شی گه اِ ایمو ابراهیم هُم بَیَرِن، گه باوَه گل ایمه. ^{۱۷} هَرهُن گه اِنوم تورات نُیسیاء: «مِه تونم کِردِیس باوَه ملتل فِرِه.» ئو آرَتک خدا هُن یش هَس، خدای گه ابراهیم

ایمون ئون آورد، او گه مِردیل زِنیا مِهه ئو چِیئلی گه نِپن مهئَه چِیئلی گه هُن.

^{۱۸} وِخدِی هُیچ امیدِی نوئی، ابراهیم وَه امید، ایمو آوردی تاگه بوَه باوَه ملتل فِرِه، هَرهُن گه وِتوئینون گه «نِسل تو هُن ماو.» ^{۱۹} او اِنوم ایمو ووژ سُسا نوئی. آسَه گه سِیل کِردی آر لار بی گِیو ووژ، آرِیگه نَزیک آر صد سال بیئِی ئو یِگه جِنی گه ملال دُ زِنهه سارایش حُشگا بوئی. ^{۲۰} مِنتائای او اِنوم بی ایمونی شِک نَهردی وَدَه خدا، بَلِکِم اِنوم ایمو قوِیت گِرتی، خدا جلال داتی. ^{۲۱} او اطمینو داشدی گه خدا مَتونی وَه وَدَه ووژ وفا کِ. ^{۲۲} اژوَنَبی ایمون او، «آرِه او صالح بیئین وَه حساو یهات.» ^{۲۳} مِنتائای اِی قِصَه «آرِه او وَه حساو یهات»، فَعْد آرِه او نُئِسیا ^{۲۴} بَلِکِم آرِه ایمه یش نُیسیاء، تاگه آرِه ایمه یش وَه حساو بای، آرِه ایقه گه ایمونمو آوردِیس آر او گه خداونمو عِیسی اژ مِردیل زِنیا کِردی، ^{۲۵} گه وَه خاطر گناڤل ایقه تِسلیم مرگ بی ئو وَه خاطر صالح وَه حساو یِهاتِن ایقه، اژ مِردیل زِنیا بی.

صُئِل اِنسون ئو خدا

^۵ اِسَه آرِیگه وَه سونگ ایمو صالح وَه حساو هاتیم، وَه سونگ خداونمو عِیسی مِسیح صُئِل گُرد خدا دیریم. ^۲ ایقه وَه سونگ او، ئو وَه سونگ ایمو، حَخ هاِن اِنوم فیضی گه اِسگه موسیمی اِنوم، آوردموَنَس دس، ئو اِنوم امید آر جلال خدا خَوَشی مِهیم. ^۳ نه فَعْد یِه، بَلِکِم اِ عِذاوَل یش خَوَشی مِهیم، آرِیگه مَدانیم گه عِذاوَل طاحَت ماری بار ^۴ ئو طاحَت، شِصْخِیت ماری بار، ئو شِصْخِیت، امید ماری

یانی عیسی مسیح، هات، چَل چَل بِنِ نَصُی فِرَه کَسَل. ^{۱۶} تُو اِی پِیشگَشی اِجور ثمر گنا آ یِه اِنسونَ نِی. اَرِیگه داورِی ای گه وَه دُم یِه کورفرِیونیا هات، مَکومِیت آوردی، مِنتائای پِیشگَشی ای گه وَه دُم کورفرِیونیل فِرِهیکا هات، صالح بیئِنِ گرد ووژ آوردی. ^{۱۷} اَرِیگه آژ وَه سونگ کورفرِیونی یِه اِنسو، تُو وَه خاطر او مرگ سلطنت کردی، چنی ویشتر کَسلی گه فیض بی حدِ حساو خدا تُو پِیشگَشی صالح بیئِنِ مَگیرِن، وَه سونگ آ یِه اِنسونَ، یانی عیسی مسیح، سلطنت آر ژِیایِن مَهَن.

^{۱۸} اِسَه هَرآ جورَ گه یِه کورفرِیونی باعث مَکومِیت کُل اَمَل بی، یِه کار صالحِی بی باعث صالح وَه حساو هاتِن تُو ژِیایِن کُل اَمَل ماو. ^{۱۹} اَرِیگه هَرآ جورَ گه وَه سونگ کورفرِیونی یِه اِنسو، فِرَه کَسَل گناکارا بِن، وَه سونگ اطاعت یِه اِنسونِش فِرَه کَسَل صالحا موئن.

^{۲۰} اِسگه، شریعت هات تاگه کورفرِیونی فِرَه آ بو؛ مِنتائای جای گه گنا فِرَه آ بی، فیض بی حدِ حساو، فِرَه تِرا بی. ^{۲۱} تاگه هَرآ جورَ گه گنا اِنوم مرگ سلطنت کردی، فیضِش وَه سونگ صالح بیئینی گه آخِرِی ژِیایِن ابدی سلطنت مِیه، وَه سونگ خداونمو عیسی مسیح.

مردی نِسوتَ گنا تُو زِنی نِسوتَ خدا

۱ اِسَه چِه بوشیم؟ یانی هَر گنا بَهِیم تاگه فیض فِرَه تِرا بو؟ ^۲ اصلاً! اِیمه گه نِسوتَ گنا مِردیم، چطورَ مَتونیم اِنوم زِنه ی بَهِیمی؟ ^۳ مَر مَقدانینو کُل اِیمه گه اِنوم مَسیح عیسی تِیمیدمو گِرتی، اِنوم مرگ او تِیمیدمو گِرتی؟ ^۴ اِسَه وَه تِیمید گِرتِن اِنوم مرگ، وَه گرد او قور بَیمو تاگه هَرآ جورَ گه مَسیح وَه سونگ جلال باوَه، اژ مِردیل زِنی بی، اِیمه یِش اِنوم زِنه ی نووئی گوم بِنیم.

بار؛ ^۵ تُو امید، اِیمه خِجالتا نِیمه، اَرِیگه مِحبَت خدا وَه سونگ روح القدس گه بَشخِیاس تونمو، رِشِیاس اِنوم دَلَمو.

^۶ اَرِیگه وِخدِی گه اِیمه هَنی زوئِن بَیمو، مَسیح اِزمو دُریس، گِیو ووژ ناتی اَرِه بی دِیئل. ^۷ اِسَه کم پِیش مای یِکی گِیو ووژ اَرِه اِنسو صالحی بِنی، وَه یاگه هایتِر یِکی بو گه زَلَه بَیه گِیو ووژ اَرِه آم خوئی بِنی. ^۸ مِنتائای خدا مِحبَت ووژ هَن اَر اِیمه ثابت کردی گه وِخدِی اِیمه هَنی گناکار بَیمو، مَسیح اَرِه اِیمه مِرد. ^۹ اِسَه اِیمه گه وَه سونگ خوین او صالح وَه حساو هاتِیمون، چنی ویشتر وَه سونگ او اژ خَضو خدا نِجَادَ مَگیرِم. ^{۱۰} اَرِیگه آژ جِنی گه وَه گرد خدا دشمن بَیمو، وَه سونگ مرگ گِریا وَه گرد ووژ دوسیمو داتی، چنی ویشتر اِسگه گه دوسیمو، وَه سونگ ژِیایِن او، نِجَادَ مَگیرِم. ^{۱۱} نه فَخَد یِه، بَلِکِم اِیمه وَه سونگ خداونمو عیسی مَسیح گه وَه سونگ او صُئَل خدا بَیَسَ نَصُیمو، اِنوم خدا خَوشِی مِهمیم.

مرگ وَه سونگ آدم، ژِیایِن وَه سونگ مَسیح

^{۱۲} اِسَه، هَر هَن گه گنا وَه سونگ یِه اِنسو هات اِنوم دنیا، تُو مرگ وَه سونگ گنا یِهاَت، اُهَن مرگ دامو کُل اَمَل اِراگِرتی، اَرِیگه کُل گنا تُو کرد، ^{۱۳} اَرِیگه وِر اژ یِگه شریعت، گنا اِنوم دنیا بی، مِنتائای جای گه شریعتی ناو، گنا وَه حساو نِمای. ^{۱۴} وَه اِی حالا، اژ آدم تا موسی، مرگ حِکمرونی مَهردی، جُجَ آر کَسلی گه گنا تُلُو اِجور کورفرِیونی آدم نوئی. آدم، نمونَه کِسی بی گه باس بای.

^{۱۵} مِنتائای پِیشگَشی اِجور کورفرِیونی نِی. اَرِیگه آژ وَه سونگ کورفرِیونی یِه اِنسو فِرَه کَسَل مِردن، چنی ویشتر فیض خدا تُو پِیشگَشی ای گه وَه سونگ فیض آ یِه اِنسونَ،

وَه تَموم دل بینوئسَن فِرَبوئِر تیلیمی گه خدا سپارتیس ثونتو. ^{۱۸} هُمه وه آزاد بیئن اژ گنا، بینوئسَن خُلْمَل صالح بیئن.

^{۱۹} مَن خاطر ضیقَل طبعی هُمه، وه زوئو آمیزآ قضه تَوَن گَرَد مَهَم: آرِیکه هَرآ جور گه زمونی عضا لار ووژتون إجور خُلْمَل تسلیم ناپاکی ئو بی قانونیتو کرد گه آخری بی قانونی ویشتر، إسگه بَیْش اوئل إجور خُلْمَل تسلیم صالح بیئینی گن گه آخری قدوسیت. ^{۲۰} آرِیکه وخی گه خُلْمَل گنا بینو، نِسَوَت صالح بیئن آزاد بینو. ^{۲۱} ایلَهه آ زمون، اژ چیئلی گه إسگه آژینو خجالتنو، چه بی نَصُوتو؟ آرِیکه عاقویت آ کارل، مرگ! ^{۲۲} مِنتائای إسگه گه اژ گنا آزاد بینوئَن ئو بینوئسَن خُلْمَل خدا، ثمری گه میرینو قدوسیت گه آخری ژیباین ابدی. ^{۲۳} آرِیکه مَز گنا مرگ، مِنتائای پیشگشی خدا، ژیباین ابدی إنوم خداونمو مسیح عیسی.

آزاد بیئن اژ شریعت

۷ لا برال، مَر نَمَدانینو -آرِیکه وه گرد اوئلی قضه مَهَم گه شریعت مَدانن- گه شریعت فَخَد تا زمونی حکمرونی آر إنسون مِهه گه إنسو زنی؟ ^۲ آرِیکه مطابق شریعت، ژَن میرده دار تا زمونی گه میردهی زنی، ها ژیر تعهد ژَن پیاپی اوار، مِنتائای آر میردهی پیری، ژَن اژ شریعت میردهی آزاد ماو. ^۳ إسه آر وخی گه میرده زینسی، وه گرد پیاپی ترا زنهی بَهه، موشنی ئون زنهاکار. مِنتائای آر میرده پیری، اژ ایی شریعت آزاد، ئو آر شوی پَهئه پیاپی تر، زنهاکار نی.

^۴ هَر آژی جور، لا برال، هُمه بَیْش وه سونگ لار مسیح نِسَوَت شریعت میردینون تاگه هِن یکی تر بوئینو، یانی او گه اژ مَرَدیل زنی بی، تاگه آره خدا ثمر باریم. ^۵ آرِیکه وخی إنوم جسم بیمو، هُواوهوسل گناباری گه اژ شریعت بی،

^۵ آرِیکه آژ إ مرگی إجور مرگ او، وه گرد او بیموئسَن یکی، حکماً إ زنیابیئنی إجور زنیابیئن او، وه گرد اوئه موئیم یکی. ^۶ مَدانیم آ إنسو قدیم گه ایقه بیمو، وه گرد او کیشیا آر صلیب تاگه لار گنا نابود بو، تاگه دیر بَنه گنا نوئیمو. ^۷ آرِیکه آوه گه مردی، اژ گنا آزاد بی.

^۸ إسگه آژ وه گرد مسیح مَرَدیم، ایمو دیریم گه وه گرد او زنهی ش مِهیم. ^۹ آرِیکه مَدانیم مسیح اژ مَرَدیل زنی بی، دیر هرگس نَمیری ئو مرگ دیر زور آری نَمِگرتی. ^{۱۰} آرِیکه او وه آوه گه مرد، په گل آره همیشه نِسَوَت گنا مرد، مِنتائای ژیبایی گه او زنهی مِهه نِسَوَت خدا زنهی مِهه.

^{۱۱} هَر هَن، هُمه بَیْش باس ووژتو نِسَوَت گنا وه مردی پَگرینو، مِنتائای إنوم مسیح عیسی نِسَوَت خدا، زنی. ^{۱۲} إسه نیلن گنا إنوم لازل فانی هُمه سِلطنت ک تاگه فِرَبون اژ هُواوهوسل بَترینو. ^{۱۳} عضا لار ووژتو تسلیم گنا نَهَن تاگه وسیله ناراسی بوئن، بَلِکَم إجور کسلی گه اژ مرگ گِلونا هاردیس زنهی، ووژتو تسلیم خدا گن تاگه عضا لارتو آره خدا وسیله راسی بوئن. ^{۱۴} آرِیکه گنا آر هُمه حکمرونی نِمِهه، آرِیکه اژیر شریعت نیئینو بَلِکَم هاینون ژیر حکمرونی فیضار.

خُلْمَل صالح بیئین

^{۱۵} إسه چه بوشیم؟ یانی گنا بهیم آرِیکه اژیر شریعت نیئیم، بَلِکَم هایمون ژیر فیضار؟ اصلاً! ^{۱۶} مَر نَمَدانینو آر ووژتو هَر إجور خُلْمَل فِرَبوئری تسلیم کسی بهینو، موئینون خُلْمَل آ کسَن گه فِرَبون آژین مَربونو، چه خُلْم گنا، گه آخری مرگ، چه خُلْم اطاعت، گه آخری صالح بیئین؟ ^{۱۷} مِنتائای شگر آره خدا گه وه یا آگه زمونی خُلْمَل گنا بینو، إسگه

مِیم، بَلِکَم گنای کَ که لیز گِرتیس انوم مِه. ^{۱۸} آریگه مَذائم که هُیچ چی خوئی لیز نِگرتیس انوم مِه، یانی انوم جسم مِه. آریگه مَن مِم آ چیئِه که دُریس انجوم دَم، مَنتائای قوئِه انجوم دائن نِرمی. ^{۱۹} آریگه آ کار خوءَ که مِم، نِمَم، بَلِکَم آ کار گنی که نِیم، هَرا مارَم جا. ^{۲۰} اِسگه آر کاری مَمَم که نِیم انجوم دَمی، ایلَهه یِه دیر مِه نِیم که انجوم مِیمی، بَلِکَم گنای کَ که لیز گِرتیس انوم مِه.

^{۲۱} اِسَه ای قانون مَفِیم که وخی مِم کار خوئی بَم، گنی ها وَر دِسم. ^{۲۲} آریگه مَن اِ باطن اژ شریعت خدا لذت مِرم، ^{۲۳} مَنتائای قانونی تر انوم اعضا لار ووژم موئینم، که وه گرد شریعتی که فِکر مِه قبول مِهی، ها جنگار، ئو مَن مِهئِه اسیر شریعت گنا که لیز گِرتیس انوم اعضا لار مِه. ^{۲۴} مِه چه آم بدبخی کِم! کِ مَتونی مَن اژ چنگ ای لار مرگ آزاد کِ؟ ^{۲۵} شِگر آره خدا - وه سونگ خداونمو عیسی مسیح!

اِسَه، مِه وه فِگرم نوکری شریعت خدائ مَمَم، مَنتائای وه جِسم نوکری شریعت گنائه مَمَم.

زَیهی وه سونگ روح خدا

اِسَه دیر هُیچ مکومیتی آره کسلی که **ا**هان انوم مسیح عیسی، نِ، ^۲ آریگه انوم مسیح عیسی، شریعت روح ژیباین، مَن اژ قانون گنا ئو مرگ آزاد کِردی؛ ^۳ آریگه آ چیئِه که شریعت وه خاطر زوئین بیئن جسم نتونستی انجوم دِ، خدا انجوم داتی. او گُر ووژ وه دائول جسم گناکار کِل کِردی تا 'قرونی گنا' بو، ئو هُن گنا انوم جسم مکوم کِردی ^۴ تاگه آ چی دُریس که شریعت مِیمی، انوم ایمه وه انجوم بزسی، ایمه که مطابق روح خدا گوم منیم نه مطابق جسم.

انوم اعضا لارمو کار مَهردی تاگه آره مرگ ثمر باریم. ^۱ مَنتائای اِسگه که نِسوت آ چیئِه که اِ قِیدِن بیمونی، مِردیمون، اژ شریعت آزاد بیمون، تاگه وه سونگ روح القدس وه طُخ تازَه، خِلمت بَهم، نه وه طُخ گِئِه آ چیئِه که نِسیاء.

شریعت ئو گنا

^۷ اِسَه چه بوشیم؟ یانی شریعت گنائه؟ اصلا! وه ای حالا آر شریعت نوئی، نِمَذاسِدم گنا چی. آریگه آر شریعت نوئوتوئیتی «ظلمات ناآشدوئی» نِمَتونستیم بَفِیم ظما داشیدن چی. ^۸ مَنتائای گنا وه سونگ حکم شریعت مِجال گِرتی که کِل جور ظما انوم مِه باری بار. آریگه جیا اژ شریعت، گنا مِردی. ^۹ زمونی مِه جیا اژ شریعت زنی بیم؛ مَنتائای وخی حکم شریعت پِها، گنا زنی بی ئو مِه مِردم. ^{۱۰} هَرا حکم که وده ژیباین داتی، بَ باعث مِردن مِه. ^{۱۱} آریگه گنا وه سونگ حکم شریعت مِجال گِرتی، سر مِه فن داتی ئو وه سونگ آوه مِه گشتی. ^{۱۲} اِسَه، شریعت مقدس ئو حکم شریعت دیش مقدس، دُریس ئو خوءَ.

^{۱۳} ایلَهه یانی آ چیئِه که خوءَ، بَ باعث مرگ مِه؟ اصلا! بَلِکَم یِه گنا بی که اژ آ چیئِه که خوءَ، مرگ انوم مِه آوردی بار تاگه گنا بیئن گنا آشگارا بو، ئو وه سونگ حکم شریعت، بَگو در که گنی گنا چنی بی حِجساق.

^{۱۴} آریگه ایمه مَذائم که شریعت روحانی، مَنتائای مِه اِنسو جِسمونی ای کِم ئو اِجور حُلم گنا، فِروتیام. ^{۱۵} آریگه مِه نِمَذائم چه مَمَم، آریگه نه آ چیئِه که مِم، بَلِکَم آ چیئِه که آزی بیزارمی، انجوم مِیم. ^{۱۶} اِسگه آر آ چیئِه که نِیم، انجوم مِیم، قبول مَمَم که شریعت خوءَ. ^{۱۷} ایلَهه، اِسگه یِه دیر مِه نِیم که آ کار انجوم

گُرد مسیح. وه شرطی گه ایمه‌یش گُرد او عذاو یکیشیم تاگه وه گُرد او جلال یِگیریم.

جلال آینه‌ده

۱۸ آریگه وه عخیده مه، عذاوِل ایی زمونَ
! قیاسَ گُرد چاللی گه میا آر ایقه دیارا بو،
هَیج. ۱۹ آریگه خلقت وه شوق فِرهِیکا چِتِمَری
دیارا بیئن گُرد خدَاء. ۲۰ آریگه خلقت بی فِرِبوَر
بطالت، نه وه خواس ووژ، بلیکم وه خاطر او گه
آوه فِرِبوَرآ کردی، وه ایی امید گه ۲۱ خلقت،
ووژیشتی اژ بِنه‌ی فساد آزادَ ماو نو اژ آزادی
پِرچالال آیلَل خدا بَردارا ماو.
۲۲ آریگه ایقه مَدانیم گه کُل خلقت تا
هَراسگه وه گُرد یک اژ ژنی اِجور ژ زائین مَنِیَرنی.
۲۳ نو نه فَخَد خلقت، بلیکم ایقه ووژیشمو گه
نوبر روح خدا دیریمو، اِدرین ووژمون مَنِیَرنیم،
هَن گه وه شوقا چِتِمَری آویل اقراری اِ مقوم
کُریلم، بانی آزادی لازلِمو. ۲۴ آریگه هَر ایی امید
نِجادمو گِرت. اِسگه امیدی گه دیمو، دیر امید
نی. چطورَ ماو کسی امید آر چیئی بوتی گه
دِیسی؟ ۲۵ مِنتائای آژ امید آر چیئی دیریم گه
هَنی بَنیمون، وه صِیرا چِتِمَری مَمینیمی.

۲۶ نو هَرهَن روح خدا اِنوم ضَیف ایقه
یاریمون م، آریگه مَدانیم باس چطور دوعا
بِهم. مِنتائای روح خدا، ووژ وه نِیَزه‌لی گه نِماو
بوشیو، اَره ایقه شِفاعت مه. ۲۷ نو او گه دَلل
مَجوری، فِگِر روح مَدانی، آریگه روح مطابق
خواس خدا اَره ایمودارَل مسیح شِفاعت مه.
۲۸ نو ایقه مَدانیم اَره اوئلی گه خدا دوس
دِیرن نو مطابق خواس او دَوَت بین، کُل چیئل
وه گُرد یک اَره خِرِیَت کار مَهَن. ۲۹ آریگه خدا
اوئلی گه وِیکار شناسیتی، هَر وِیکار مِئن کِردنی

۵ آریگه کسلی گه جسمونین، وه چیئل
جسمونی فِگِر مَهَن، مِنتائای کسلی روحانین،
وه چیئل روحانی فِگِر مَهَن. ۶ آریگه فِگِر کِردن
چیئل جسمونی، مرگ. مِنتائای فِگِر کِردن روح
خدا، ژیباین نو صُئِل وِسلامتی. ۷ آریگه فِگِر
گه آرزی جسم، وه گُرد خدا دشمنی مه، آریگه
فِرِبون اژ شریعت خدا نِمیَری نو نِمتونی شی
بِیری، ۸ نو کسلی گه جسمونین، نِمتونین وه دل
خدا بوئن.

۹ مِنتائای هُمه اِژیر حکمرونی جسم نیئینو
بلیکم هاینون ژیر حکمرونی روح خدار، اَلَوَت
آژ روح خدا لیز گِرتوئیتی اِنوم هُمه. هر کی روح
مسیح ناآشدوئیتی، هِن مسیح نی. ۱۰ مِنتائای
آژ مسیح ها نومتونار، وه یاگه لار وه خاطر
گنا مِردی، مِنتائای وه‌چوینا گه صالح وه حساو
هاتبنون، روح خدا اَرنتو ژیباین. ۱۱ نو آژ روح
او گه عیسی اژ مِردیل زِنیا کِردی، لیز گِرتوئیتی
اِنوم هُمه، او گه مسیح اژ مِردیل زِنیا کِردی،
وه‌سونگ روح ووژ گه لیز گِرتیس اِنوم هُمه،
ژیباین موئشخی لازل فانتیو.

۱۲ اِسَه اِبرال، ایقه دِن ها مِلمونار، مِنتائای
نه دِن جسم، تا مطابق جسم زِنه‌ی بَهم.
۱۳ آریگه آژ مطابق جسم زِنه‌ی بَهمینو، مِمرینو؛
مِنتائای آژ وه‌سونگ روح خدا، کارل لار
بِکشینو، زِنی مَمینینو. ۱۴ آریگه کُل اوئلی گه
وه‌سونگ روح خدا هَدائت موئن، کُرد خدان.
۱۵ آریگه هُمه روح بَنه‌یتو نِگرت تاگه هَنی زَلتو
بِچو، بلیکم اِ مقوم کُرد، روح آویل اقراریتو
گِرتی، گه وه‌سونگ اِ روح هِناء مِهم: «آبا،
باوه.» ۱۶ روح خدا، ووژ گُرد روح ایقه شاقی م
گه ایقه آیلَل خدایمو. ۱۷ نو آژ آیلَل خدایمو،
اِسَه وارنلِش هِیم، یانی وارنل خدا نو هُم‌ارث

۲ که درد گرونی انوم قلب ووژم دیرم ئو هر خَم بایم. ۳ آریکه آواخیم داشت که مه ووژم وه خاطر پِراَلِم، یانی اوئلی که مطابق جسم قوم مین، بوئم لَنتِبی ئو اژ مسیح جیآ بوئم. ۴ اوئل اسرائیلین ئو اوئل اقراری هِن اُون، جلال هِن اُون، عَتَل هِن اُون، آمونت شریعت هِن اُون، عبادت هِن اُون، ئو وَدَهل هِن اُون؛ ۵ باوَهَل قوم هِن اُون، ئو مسیح، مطابق جسم اژ لون اُون، خدای که هار پِلَنگ کُل، بِمارِک تا ابد. آمین.

۱ مِنتائای مصقود یه نِی که کلوم خدا وه آنجوم تَرَسِی. آریکه کُل کسلی که اژ قوم اسرائیلین، اِراسی اسرائیلی نین؛ ۷ ئو هَمیش کُل کسلی که اژ نِسل ابراهیم، آیلَل او وه حساو نِمان. بَلِکِم انوم تورات نِسیاء: «نِسل تو اژ اسحاق وه حساو مای.» ۸ یانی، یه آیلَل جسم نین که آیلَل خدان، بَلِکِم آیلَل وَدَه، نِسل ابراهیم وه حساو مان. ۹ آریکه آ چِئَه که وَدَه وِتی، یَسَن: «سالی هَنی هر اِبی موقع گِلامِریم ئو سارا ماو صائای گری.»

۱۰ نه فَعَد یه، بَلِکِم آیلَل رِیکایش اژ یه پیا، یانی اژ باوَهجد ایقه اسحاق بین. ۱۱ وه یا آگه وِر اژ یِگه بَان دِی، ئو کار خو یاگه گئی آنجوم دَن -آریکه مصقود خدا اژ دِیاری کِرِدَن پایار بِمِیی، نه وه خاطر کازلی که مَهَن، بَلِکِم وه خاطر آوَه که دَوَت مِیه- ۱۲ وِتَوَن رِیکا که «کِنِگَتَر خِلمت اژ گُجَرِتَر مِیه.» ۱۳ هرُهَن که انوم کِتاو مَلاکی پَحَمَر نِسیاء: «یَعقوبیم دوس داشت، مِنتائای اژ عیسو بیزار بيم.»

۱۴ اِسَه چِه بوشیم؟ یانی خدا بی انصاف؟ اصلاً! ۱۵ آریکه موشی موسی:

«رِیم مَهَم ار کسی که رِیم آری دیرمی؛
ئو دلسوزی مَهَم ار کسی که دلم اَرَن،

تا اِشیوَه گری اربان، تا او انوم پِراَل فِرِه، اولزا بو. ۲۰ ئو اوئلی که وِرکار مِئَن کِردی، دَوَتِش کِردنی؛ ئو اوئلی که دَوَت کِردنی، صالحِش وه حساو آورَدنی؛ ئو اوئلی که صالح وه حساو آورَدنی، جلالِش دانی.

۳۱ اِسَه چِه مَتونیم اِبُرور کُل اِبی چِئَل بوشیم؟ اَر خدا ها گردمو، کِی مَتونی اَرَضد ایقه بو؟ ۳۲ او که گُر ووژ دَرِیخ نَهَرَدی، بَلِکِم او اَره کُل ایقه تَسْلیم کِردی، چَطور گُرد او کُل چی وه دَس دِلوازیایِ مَوئِشَخَنی ایقه؟ ۳۳ کِی که کسلی که خدا دِیاری کِرِدَن مِتهم کِی؟ خدَاء که اوئل، صالح وه حساو ماری! ۳۴ کِی که مَکومو کِی؟ مَسِیخ عِسی که مِرد، بَلِکِم اژ مِردِئِلِش زَنیا بی، او که ها اَر دَس راس خدَا، اَوَه که اِراسی اَره ایقه شِفاعتِش مِیه! ۳۵ کِی که ایقه اژ مِحبِت مَسِیخ جیآ کِی؟ مَصِیوَت یاگه سَخدی یا اَزار یا قِیطی یا لُتی یا خَطِر یاگه شِمشیر؟ ۳۶ هرُهَن که انوم کِتاو زبور داوود نِسیاء: «ایقه تموم روژ، وه خاطر تَوَن مَمریم ئو اِجور کاوَزَل گُشتاری وه حساو مایم.»

۳۷ بَلِکِم وه سونگ او که مِحبِت کِردی اَر ایقه، اِ کُل اِبی چِئَل ایقه سِرِتَر اژ کسلی کیم که فائِق هاتِن. ۳۸ آریکه زَقین دیریم که نه مرگ ئو نه زَنه، نه فَرِیشَدَل ئو نه رِئِیسل، نه چِئَلی که اَلانَه هَس ئو نه چِئَلی که مِیا بان، ئو نه هُیچ قِدرتی، ۳۹ ئو نه بَرزی ئو نه نِیمزی، ئو نه هُیچی تَر انوم کُل خَلقت، نِمَتونی ایقه اژ مِحبِت خدا که ها نوم خداونمو مَسِیخ عِسی اَر، جیآ کِی.

قوم دِیاری بیئی خدا

۹ مِین انوم مَسِیخ راس موشِم، نه دِرو، ئو وُزْدانیم وه سونگ روح القدس شات مِین

مَسْرَتِي.»

۱۶ اِسَہ، يَہ رَفَطِي آر خواس ياگہ تَقْلًا اِنَسُو نِري، بَلِکِم رَفَط آر خدای ديري گہ ريم ديري. ۱۷ اَرِيگہ اِنوم تورات، خدا موشِي فرعون: «مِه هَر اَرِه اِي قَصَن تونِم گِلنگا کِرِد تاگہ قَدِرت ووژم اِنوم تو نِشو دَم، ئو تاگہ نُم مِه اِلوم بو اِنوم سِرُسَر دنيا.» ۱۸ اِسَہ خدا آر هر کي بِيَتِي ريم مِهه ئو هر کي بِيَتِي سَنگدلا مِهه.

۱۹ اِسَہ موشين ئونِم: «اِسَہ دِير اَرَا ايرادمون اَزِين مَگِرِي؟ اَرِيگہ کِي گہ بتوني بوسي اِبُرُوَر خواس خدا؟» ۲۰ مِنتائاي لا اِنَسُو، تو کيئين گہ دَمَرِگ گرد خدا بيهِن؟ «اَيَا مَخْلُوَق مَتُونِي بوشِي خالق ووژ، گہ اَرَا مِنت هُنْ خَلک کِرِدِي؟» ۲۱ مَر کوبِزَه گر اِي حَخ نِري گہ هر اژ يَه مِشت خري، حاجتي اَرِه کارل مِهَم ئو حاجتي اَرِه کارل وَرَدَسِي دَرِيس کي؟

۲۲ چَه ماو اَر خدا وَه يَا اگہ مِيَتِي حَضُو ووژ نِشو دِ ئو قَدِرت ووژ بَشْتاسِنِي، حَاجَتَل حَضُو گہ اَرِه نابودي حاضر بوئين، وَه صِبِر فِرِه تَيِيل کي، ۲۳ تاگہ جَلال بِي حِدَحَساو ووژ بَشْتاسِنِي آر حَاجَتَل رِيَمَتِي گہ وِرِکار اَرِه جَلال حاضر کِرِدِن؟ ۲۴ جُج ايمَه گہ دَوَت کِرِدِيمَسِي، اژ اوَنَلِيم، نه فَخَد اژ يهوديَل، بَلِکِم اژ خَرِيهوديَلِيش. ۲۵ هَرَا جور گہ هوشَع پَحَمَر موشِي:

«اوَنَلِي گہ قوم مِه نوئين،

موشِم ئونو 'قوم ووژم'،

ئو قومي گہ عزيزگراي مِه نوئين،

موشِم ئونو 'عزيزگراي ووژم'.

۲۶ ئو هَمِيش:

«آر هَرَا جَاء گہ وِتُون ئونو:

”هَمَه قوم مِه نِيئِنُو“،

آر اوَرَه موشِن ئونو 'کُرَل خدائ زِي'.

۲۷ ئو اِشعيا پَحَمَر اِبازَه قوم اسرائيلَ مَقارُونِي گہ: «جُج اَر شِمَار قوم اسرائيل چَن هُسل

دريا بو، فَخَد پَرِي اَزِينو نَجَادَ مَگِرِن. ۲۸ اَرِيگہ خداون، حِکِم ووژ کامل ئو بِي اَنگِلَات، اَرُري زمين اَنجَوَم م.» ۲۹ ئو هُنْ گہ اِشعيا پَحَمَر پيشگوئي کِردي:

«آر خداون لَشکَرَل نِسلُموني اَرِه،

نِميشتِي جا،

موثيَايمون اِجور شِيَرَل سُدوم ئو عَمَوَرَه.»

بِي ايموني قوم اسرائيل

۳۰ اِسَہ چَه بوشيم؟ بِيگَه خَرِيهوديَلِي گہ آر دُم صالح بيئينا نوئين، اَوَرَدُون دَس، ياني اَ صالح بيئيني گہ اژ ايمون؛ ۳۱ مِنتائاي قوم اسرائيل گہ آر دُم شَرِيعَتِي کا بين گہ اَخَرِي صالح بيئِن، اَوَن ناورَد دَس. ۳۲ اَرَا؟ اَرِيگَه نه اژ رِي ايمو، بَلِکِم اژ رِي کارل وَه دُما بيئي. اوَنَل پائو گِر کِرِد آر 'گُچکي گہ باعث کِيتَن' ئو هاوَنَتِن آر رَعِي. ۳۳ هَرَهَن گہ اِنوم کِيتاو اِشعيا پَحَمَر نُبِسَاء:

«اِسگَه گُچکي مِيم اِنوم صَهيون،

گہ باعث کِيتَن بو،

ئو کَمَرِي گہ باعث اِرَاگِيتَن؛

ئو هر کي ايمو باري آر او،

خَجالتا نِماو.»

۱. لا اِبْرال، آواخدا قَلِيم ئو دوعا مِين درگا خدا اَرِه يهوديَلِيس گہ نَجاد يِگِرِن.

۲ اَرِيگَه اِبازَه اوَنَل شاتِي مِيم گہ اَرِه خدا خِيرَت دِيرِن، مِنتائاي نه اژ رِي شِناخت. ۳ اَرِيگَه اَ صالح بيئيني گہ اژ خدائو نِشتاسِي، ئو وَه دُم ثابت کِرِدِن صالح بيئِن ووژونا بين، نوئين فِرِبوَتَر اَ صالح بيئيني گہ اژ خدائ. ۴ اَرِيگَه مَسِيح اَخِر شَرِيعَت تا هر کي ايمو باري، صالح وَه حَساو باي.

۵ اَرِيگَه موسي اِبازَه اَ صالح بيئيني گہ آر پاء شَرِيعَت هُنْ مَنِيَسِي: «کَسِي گہ اِي

١٩ ٴمنتائى مٲرسم: يانى قوم اسرائيل آ چيٲه
 كه شَنفَتى درك نٲردى؟ اولبار، موسى موسى:
 «وٲسونگ اونلا كه ملتى وٲ حساو نمان،
 هَمٲ مارِمْ سر خيرت؛
 ٴو وٲسونگ ملت نايونيك
 عصبونيتونا مٲهم.»
 ٢٠ اسٲه، اشعيا پَخمَر وٲ جورَت موسى:
 «اونلى كه مِني مِنو نٲردوئى، مِنو كِرْدِ دى
 ٴو ووژم آر كَسلى كه مِنو نِهستوئى،
 آشگرا كِرْد.»
 ٢١ منتائى اِبازه قوم اسرائيل موسى:
 «تموم روژ دَسَلِمْ دِرِيزِارا كِرْد
 اِرٲه قومى كورفريون ٴو اَرَضد مِه.»

باقى مَنبِل اسرائيل

١١ اسٲه مٲرسم: آيا خدا قوم ووژ
 رد كِردي؟ اصلا؛ اَرِيگه مِه ووژم
 اسرائيليم، اژ نسل ابراهيم ٴو اژ طائفٲه
 بنيامين. ٢ خدا قوم ووژ كه وِرِكار شناسيتى،
 رد نٲردِيتسى. مَر نِمَذاينِو نُسُخ مَقْدَس اِبازه
 ايليا پَخمَر چٲه موسى؟ يگه چطور اژ دس قوم
 اسرائيل اَرَتَك خدا گِلى كِردي ٴو وٲى: ٣ «لا
 خداون، اونل پَخمَرل تونو گُشتى ٴو قُرونى گائَل
 تونو رِموئى. فَخَد مِه مِئَمَس آر جا ٴو هان كِر
 گُشتِ مِنا.» ٤ منتائى خدا چٲه جِواوئون دا؟
 يگه «مِه اِرٲه ووژم هفت هزار نفرِ مِنا لا كه
 زُنيو نِيا آر وَر بَت بَعَل.» ٥ اسٲه هَرُهَنْ، اِ اِى
 زمونِيش باقى مَنبِلِ هَنْ كه اژ رِئى فيض اِنْتِخاو
 بِيئ. ٦ منتائى اَر اژ رِئى فيض بو، دِير اژ كازل
 نى؛ اَرَنٲه فيض دِير فيض نى. [منتائى اَر اژ كازل
 بو، دِير اژ فيض نى؛ اَرَنٲه كار دِير كار نى].
 ٧ اسٲه چٲه؟ يگه قوم اسرائيل آ چيٲه كه وٲ
 دُما بيتى، ناوردى دس. منتائى اونلى كه ديارى

حكيمَل اَنجِوم دِ، وٲسونگ اونلا زِنٲه مِهٲه.»
 ٦ منتائى صالح بيٲيى كه آر پاء ايمون موسى:
 «ا دل ووژتا نوش ”كى كه وِر آسمو پِچوٲ
 پِلنگ؟“» -يانى تاگه مسيح بارى هار- ٧ يا
 «”كى كه پِچوٲ هار اِرٲه دنيا مِرديَل؟“» -يانى
 تاگه مسيح اژ مِرديَل زنيا كِ. ٨ منتائى او چٲه
 موسى؟ يگه «اِى كلوم هار نزيك تو، اِنوم دَم
 تو، ٴو اِنوم دلتار.» يٲه هَرآ كلوم ايمونس كه
 ايمٲه موعظٲه مِهيْم، ٩ اَرِيگه اَر وٲ زوئو ووژت
 اعتراف پِهيْن «عيسى خداون» ٴو اِنوم دل
 ووژت ايمونْت داشدوئى كه خدا او اژ مِرديَل
 زنيا كِردي، نَجَاد مِگِرِين. ١٠ اَرِيگه اِنوم دل كه
 كسى ايمون مارى ٴو صالح وٲ حساو مای،
 ٴو وٲ زوئوئ كه اعتراف مِه ٴو نَجَاد مِگِرِى.
 ١١ اَرِيگه كِتاو اشعيا پَخمَر موسى: «هر كى ايمو
 بارى آر او، خجالتا نِماو.» ١٢ اَرِيگه فرخى اِ بِن
 يهودى ٴو يونانى نى، اَرِيگه هَرآ خداون، خداون
 گَل ٴو چَل چَل بَرَكْت مِئٲه گَل كَسلى كه هِنا
 مِهَنىار. ١٣ اَرِيگه «هر كى نُم خداون هِنا پِهٲه،
 نَجَاد مِگِرِى.»
 ١٤ منتائى چطور هِنا پِهْن آر كسى كه
 ايمونو ناوردىس اَرى؟ ٴو چطور ايمو بارِ
 كسى كه اَرِنيو نَشْتَفْتى؟ ٴو چطور بشتوئِن،
 اَر كسى موعظٲه ٴون اِرٲه نِهٲه؟ ١٥ ٴو چطور
 موعظٲه پِهْن، اَر كِل نوئِن؟ هَرُهَنْ كه اِنوم كِتاو
 اشعيا پَخمَر نِيسِياء: «چنى رنگِين پال كَسلى
 كه خَوَر خَوش اَنجِيل اِلوم مِهَنْ.» ١٦ منتائى
 اُو گَل گوشو نِگِرْت اِى اَنجِيل، اَرِيگه اشعيا
 پَخمَر موسى: «لا خداون، كى پِغوم ايمٲه باوار
 كِردي؟» ١٧ اسٲه ايمون اژ شَنفَتِ ٴو شَنفَتِين،
 اژ كلوم مسيح.

١٨ منتائى مٲرسم: مَر نَشْتَفْتو؟ اَلَوْت كه
 شَنفَتو:

«دَنگو پَشْخا بَيس سِرْسَر زِمى،

مِهین، وَه وِیرت بو تو حُیا آ ریشی نیئین، بَلِکِم ریشی حُیا تون. ^{۱۹} آسَه تون موشین: «پَلل پریان تاگَه مِه پون بوئم.» ^{۲۰} راسَن موشین. مِنتائای اوئل خاطر بیامونی پریان تون وَه ایمون گَه پیارین. اِسَه قُرانی نِهه بَلِکِم زَلت یچو. ^{۲۱} آریگَه آر خدا ریم نَهردی آر پَلل طبعی، ریم آر تونیش نیمهه.

^{۱۲} اِسَه مِریونی تون سخدگیری خدات آر وَر چیم بو؛ سخدگیری آر کسلی گَه اژ ایمو گتن، مِنتائای مِریونی آر تو، آلوت وَه شرطی گَه بِمینین انوم مِریونی او؛ آژنه تونیش قط موئن. ^{۲۳} تون آر اونیش تَمین انوم بیامونیو، اِدوآزه پون موئن، آریگَه خدا متونی اِدوآزه پونو د. ^{۲۴} آریگَه آر تو اژ دار زتو وَشی پریان تون برعسک طبیعت پون بین قی دار زتون آهلیا، اِسَه چنی ویشتر پَلل اصلِی متون پون بوئن قی دار زتونی گَه آژی پریان.

نجداد قوم اسرائیل

^{۲۵} اِ برال، نیم اژ اپی راز بیخور بوئینو ناخواد گمو کینو دونائینو- گَه سنگدلی آر بری اژ قوم اسرائیل حکمرونی مِهه، تا وخی گَه شمار خریهودیلی گَه میا نجداد یگرن، کاملا بو. ^{۲۶} هر آژی جور کُل قوم اسرائیل نجداد مَکِرِن. هرهن گَه انوم نُسخ مقدس نیسیاء:

«نجداددهنده اژ صهیون مای

تون دینی اژ لون یعقوب هیزم.

^{۲۷} تون یه عت من گرد اوئل

وخی گَه گنائلو هیزم.»

^{۲۸} اژ لحاظ انجیل، وَه خاطر هُمه، دشمنین؛ مِنتائای اژ لحاظ اِنخاو خدا، وَه خاطر باوَهجدلو، عزیزگرامی خدان. ^{۲۹} آریگَه خدا هرگس پیشکشیل تون دوت ووژ نَمسینی دُما. ^{۳۰} آریگَه هَرا جور گَه هُمه زمونی نِسوت

بین آوردون دس تون باقی، دلو بی برد. ^۸ هُن گَه انوم نُسخ مقدس نیسیاء:

«تاگَه ایمر و خدا روح شیئی دائونو

تون چیملی گَه نوئین

تون گوشلی گَه نشتون.»

^۹ تون داوود پَحَمَر موشی:

«سِفِرَه تون ارنو بوئه دام تون تِلَه

تون بوئه کچکی گَه پائلو گیر مِهیئی آری،

تون مَکُوئن، تون مکافات.

^{۱۰} چیملو تارا بو تاگَه نتونین بوئین،

تون قئلو آره همیشه پَچمیا.»

^{۱۱} اِسَه مَپرِسم: آیا پائلو گیر کِرد تون گتن

آر زعی تاگَه آره همیشه یگورن؟ اصلا! بَلِکِم

وَه سونگ کورفریونی اونا، نجداد بی نَصی

خریهودیل، تاگَه قوم اسرائیل باری سر خیرت.

^{۱۲} اِسگَه آر کورفریونی اوئل باعث دولمتی

دنیا تون آر شیکسو باعث دولمتی خریهودیل،

وخی قوم یهود کامل نجداد یگری چنی ویشتر

باعث دولمتی ماو؟

^{۱۳} اِسگَه دیرم گرد هُمه خریهودیل قَصَه

مَهم. آریگَه مِه رسول خریهودیل، افتخار مَهم

آر خِلمت ووژم، ^{۱۴} تاگَه هایتر کسلی گَه وَه گرد

مین اژ یه تیرطائفه، بارم آر سر خیرت تون

یری آژینو نجداد دم. ^{۱۵} آریگَه آر رد بین اوئل

بی دوسی خداه گرد دنیا، قبول بیئون ماو

چَه، جز زنیابین اژ مردیل؟ ^{۱۶} آر تیگنجهی

اژ حمیر گَه اجور نویر پیشکش ماو، مقدس،

اِسَه کُل آ حمیر مقدس؛ تون آر ریشی مقدس،

اِسَه پَلل یش مقدسین.

^{۱۷} مِنتائای آر قری اژ پَلل پریان تون وَه یاگَه

پَل زتو وَشی بین، انوم پَللی تر پون بین قی دار

زتونا تون اِسگَه اژ شیرَه قوت دار ریشی دار

زتو بیدارین، ^{۱۸} آر آ پَلل قُرانی نِهه. آر هُن

عضا یَکِترِیئیمو. ^۶ اِسَه مِطابق فیضی گه اژ
جونم خدا بَشخِیاس ئونمو، عطا ئل جوراجوری
دیریم. بورن اوئل بَیریم کار: آر نبوت، چن
ایمونمو بَیریمی کار. ^۷ آر خِلمت، انوم خِلمتمو
بَیریم کار؛ آر تِلیم، انوم تِلیم دائنمو بَیریم کار؛
^۸ کسی گه تشویق مِهه، انوم تشویق کِردنی
بَیری کار؛ کسی گه یاری م، وه دس دلوازی بَیهه؛
کسی گه زَیری مِهه، وه خیرت انجوم د؛ کسی
گه ریم مِهه، وه خوشالیا بَیهه.

نشونهل مسیحی حخیخی

^۹ محبت باس خالص بو. اژ گنی بیزار
بوئن ئو سفدِسخد بچسین آ چینا گه خوة.
^{۱۰} یَکِتریتون اجور برا دوس داشدوئی. ا عَزت
نائن آر یَکِتری، بین آر قِ یَکا. ^{۱۱} ا خیرت
تَمَل نوئن؛ انوم روح گر بوئن ئو خِلمت اژ
خداون پهن. ^{۱۲} ا امید خوشالی پهن، ا سخدیل
طاخنتو داشدوئی ئو ییمجو دوعا پهن. ^{۱۳} ا
زفِت رفت هَوَجَهل ایمودازل مسیح هُم بَیر بوئن
ئو هُن هاوو بوئن.

^{۱۴} آرَه کسلی گه آزارتو مین، بَرکتو ب؛
بَرکتو ب ئو نیر نهن! ^{۱۵} وه گرد کسلی
گه خوشالین، خوشی پهن، ئو وه گرد کسلی
گه مَگیرن، بَگیرن. ^{۱۶} وه گرد یَکِتری بسازن!
قُرات نوئن، بَلِکم وه گرد اَمَل ضیف ئو سادَه
هاتن چِیئینتو داشدوئی. هرگس ووژتو دونا
نَذاین.

^{۱۷} جوواو گنی کس گنیا نین، بَلِکم حُواستون
آ چِیئَه گه اژ نظر گُل مردم عَزت دیری، بو.
^{۱۸} آر ماو، تا جای گه وه هُمه مربوط، وه گرد
گُل کس ا صُئلوصفا زَنه ی پهن. ^{۱۹} ا عزبِلَم،
هرگس ووژتو تَخاص نهن، بَلِکم واگذار گنی
آر خَضو خدا. آر یَکِگه انوم تورات نُیسیاء گه
«خداون موشی: "تَخاص هِن مَن؛ مِیم گه سزاء

خدا کورفربو بینو، مِنتائای اِسگه وه خاطر
کورفربونی یهودیل ریمت خدانو گرتی، ^{۲۱} اِسَه
اوئل یش اِسگه کورفربونا بین تاگه وه سونگ
ریمت خدا آر هُمه، آر اوئل یش ریم بو. ^{۲۲} آر یَکِگه
خدا گُل مردم ناسی بن کورفربونیا، تاگه ریم بَیهه
آر گُل. ^{۲۳} دولَمَنی ئو حکمت ئو علم خدا چنی
قول؛

اژ داوړیلی نماو سر اربارین
ئو رتیلی نماو درک کین.
^{۲۴} «آر یَکِگه کِی گه فِگر خداون دِناسدوئیتی
یاگه کِی گه مُشیرت کِردوئیتی؟»
^{۲۵} «کِی گه بَیشگشی ای بَشخِیسی خدا
تاگه بیتی ئون دُما؟»
^{۲۶} آر یَکِگه گُل چی اژ او، ئو وه سونگ او،
ئو آرِه اوه.
جَلال آر او تا ابد. آمین.

قُرونی زنی

۱۲ اِسَه لا پرال، وه خاطر ریمتَل خدا،
خواهشدتون آژین مَهَم گه لازتو
اجور قُرونی زنی ئو مقدس ئو وه دل خدا
بَیشگش پهن گه عبادت روحانی هُمه هر یَس.
^۲ نوئن هُم شکیل ای دنیا، بَلِکم وه نووا بین
فِگرتو، عوض بوئن. اِسَه متونینو خواس خدا
تشقیص دینو؛ خواس خو، باو دل ئو کامل
خدا.

^۳ آر یَکِگه وه سونگ فیضی گه بَیس نَصی مه،
موشِم هر گم اژ هُمه گه ووژتو ویشتر اژ
آ چِیئَه گِ باس، نَذاین، بَلِکم هر گم چن
ایمونی گه خدا بَشخِیسی ئونتو، وه قضاوت
دُریس فِگر پهن. ^۴ آر یَکِگه هر هُن گه ایمه انوم
په لار، اعضا فِره دیریم ئو گُل اعضا کارون
اجور یَک نِ، ^۵ اِسَه ایمه وه یاگه فِرهیم،
انوم مسیح په لاریم ئو هر گم یَک یَک،

‘ظلمات ناآشدوئی’، ئو هر حکمی تر، گل، سردیزر ماو انوم ای کلوم گه «هُمسات هر اجور ووژت دوس داشدوئی». ۱۰ محبت، گنی ار هُمسا ووژ نیمه؛ اِسَه محبت، شریعت تموم کمال وه انجوم مَرَسَی.

۱۱ همیش هُمه مذانینو گه هاینون چه زمونی کر، گه هراسگه سات رَسَیسی گه اژ خاو هیزگرینو، آریگه نجاد ایمه اِسگه نیکتر اژ زمونی ک گه ایمونمو آورد. ۱۲ شو دیری تموم ماو ئو روژ نیک. اِسَه بورن کارل تیریکی بنیم لا ئو زری ئیر بهیم ور. ۱۳ بورن هُن دُریس رِفدار بهیم گه هَماری هایمون انوم روشتایی روژار نه انوم عیاشی ئو مَسی، نه انوم بی عصمتی ئو خیزی، نه انوم جنگ ئو حَسوئی، ۱۴ بلکم شخصیت عیسی مسیح خداون اجور چینی بَهَن ور ئو آره جسم تیارک نوئین تاگه چیللی گه جسم مینی بارینون جا.

یکتری قضاوت نهن

۱۴ کسی گه ایمو ضیف بیلنی گرد، بی یگه اِبازه عخیدهل دَمَرگ کینو. ۲ یکی ایمو دیری گه مَتونی هر چی بیر، مینتای کسی گه ایمو ضیف، فَخَد وَلگِ واشن میری. ۳ آوه گه گل چی میری، نباس اوئی گه نیمیری خوار ک؛ ئو آوه گه گل چی نیمیری، نباس اوئی گه گل چی میری قضاوت ک. آریگه خدا او هُپشتیسی گرد. ۴ تو کیئن گه خلمتکار کسی تر قضاوت مهن؟ پایار مین یا گیتی وه آرباو ووژ مربوط. ئو او پایاریشن مَمینی آریگه خداون مَتونی او پایارا ک.

۵ یکی په روژ بیزر اژ روژلی تر مذانی؛ یکی تر، گل روژل وه په جور مذانی. هر کی باس اِفِگِر ووژ، کامل اطمینو داشدوئی. ۱ آوه گه قُرَب ماوژی روژ مصقوصی، وه حرمت خداون هُن

میم. ۲۰ برعسک، «آز دشمنیت ورسنی، خوراک بیی ئون! ئو آز تینی، آو بیی ئون! آریگه آز هُن بهین، هُن خجالتا مِهینی بگر مژ کوء مِهینی آر سارا». ۲۱ گنیت آری فائق ناو، بلکم وه خوئی، فائق بو آر گنی.

فربویر صائای قیدرتل

۱۳ گل کسی باس فربویر قیدرتلی گه حکمرونی مهن، بو، آریگه هُیچ قیدرتی نی مر اژ جونم خدا، ئو اونلی گه هُن، اژ جونم خدا نیریان. ۲ اِسَه آوه گه اَرْضد قیدرتی هیزگری، اَرْضد آ چیئه گه خدا مین کردی، هیزگری؛ ئو کسلی گه هُن مهن، داوری موئن. ۳ آریگه دُریسکارل زلئون اژ حکمروئل نمچو، مینتای خِلافکارل زلئون اژینون مچو. آیا مِت زَلت اژ صائای قدرت نچو؟ اِسَه آوه گه دُریس انجوم د گه تیریفِت اژین مِهه. ۴ آریگه او خادم خداه آره خریت تو. مینتای آز کار خلاف بهین، زَلت بچو، آریگه او هر اژ ول شمشیر سر قی نی. آریگه او خادم خداه، تقاص گری گه خَضو خداه ماری سر خِلافکارل. ۵ اِسَه آم باس فربویر بو، نه فَخَد آریگه اژ خَضو خدا دویر بو، بلکم وه خاطر وژدونیش.

۶ آریگه اژوَس مالیات مینو، آریگه صائای قیدرتل خادمل خدان، رَسیدگی مهن آر ای چیل. ۷ دِن مردم اژ مل ووژتون ایرارن؛ آز مالیات، مالیات بین؛ آز خراج، خراج بین؛ آز اِتروم، اِتروم بین؛ ئو آز عَزت، عَزت بین.

وه جا آوردن شریعت وه محبت

۸ دِن گستون مل ناو بخر اژ یگه یکتریتو دوس داشدوئی. آریگه هر کی یکی تر دوس داشدوئی، شریعت آوردیسی جا. ۹ آریگه حکمل ‘زنها نهه’، ‘آم نکش’، ‘دزی نهه’،

۲۰ کار خدا وه خاطر خوراک خِراو نِهه! إراسی گل چی پاک، مِنَتائای کار دُرِسی نَ که یِکی وه هَارِدَن چِیئی باعث گِئِن یِکی تر بو. ۲۱ خَوءَ گه گوشد نیرین ئو شِراو خُرَ نِین یا کاری نِهین گه باعث گِئِن بِرَات ماو.

۲۲ ایمونِت إِبَارَه ایی چِیئَل بیل آرَتک ووژت ئو خدا. خَوژگَال کسی گه ووژَ خاطر آ چِیئَه گه تابیذ مِهه، قضاوت نِهه. ۲۳ مِنَتائای کسی گه چِرچ مِیرِی دل، آر بیرِی مَکوم ماو، آرِیگه وه ایمو نِهاردِیسی. آرِیگه هر چی گه از ایمو ناو، گنآء.

ایمه گه قوِیه دِیرِیم، باس ضِیقل ۱۵ کسلی گه ضِیفِن بِگِریم کول، نه یِگه وه دُم خَوشی ووژمونا بوئِیمو. ۲ هر گم از ایمه باس چی خوئی گه انوم هُمسا ووژ موئِینی، آرِه آوَه خوشالا کِیتی تاگه باعث تقویت ایمو بوئی. ۳ آرِیگه مسیح بِش وه دُم خَوشی ووژا نوئی، هَرهَن گه انوم کِتاو زبور داوود نِیسیاء: «مذمت مذمت گَزَل تو، گَت آرری مه.» ۴ آرِیگه هر چی گه از قدیم نِیسیاء، آرِه تَیلیم ایمه بی تا وه سونگ پایاری ئو دلگوئی ای گه نُسَخ مقدَس موئِشی ئونمو، امیدمو داشدوئی.

۵ إسگه خدای گه پایاری ئو دلگوئی موئِشی، یه بوئِشی ئونتو گه آجور گه مطابق خواس مسیح عیسی، وه گرد یک هُم رَا بوئینو، ۶ تا وه په دل ئو په زوئو، وه گرد یک، خدا ئو باوَه خداونمو عیسی مسیح، جلال دینو.

۷ إسه هَرهَن گه مسیح چی گرد هُمه، هُمهیش بچِن گرد یِکتری تاگه خدا جلال بِگری. ۸ آرِیگه موئِشمو ئونتو گه مسیح بی خادم خَتِیَنه گِربائل تاگه راسی خدا نِشو د تاگه وَدَلی گه خدا دائِیتی باوَه جَدَلَمو، تاید ک. ۹ ئو تاگه

مِهه. آوَه گه مِیری، وه حرمت خداون مِیری، آرِیگه شِگَر خدآء مِهه، ئو آوَه گه نِمِیری، اوبِش وه حرمت خداون نِمِیری ئو شِگَر خدآء مِهه. ۷ آرِیگه هُیچ گم از ایمه آرِه ووژ زَنه ی نِمِهه ئو هُیچ گم از ایمه آرِه ووژ نِمِیری. ۸ آرِیگه آر زَنه ی بَهِیم، آرِه خداون زَنه ی مَهِیم، ئو آر بِمِیرِیم، آرِه خداون مِیرِیم، إسه چه زَنه ی بَهِیم چه بِمِیرِیم، هِن خداونیم. ۹ آرِیگه مسیح بِش وه ایی خاطرِ مرد ئو زَنیا بی تاگه خداون زَنیل ئو مِردیل بو. ۱۰ إسه تو آرَا بِرا ووژت قضاوت مَهِین؟ یاگه تو آرَا بِرا ووژت خَوَار مَهِین؟ آرِیگه کُل ایمه موسیم إِبُرور تخت داوری خدا. ۱۱ آرِیگه انوم کِتاو إِشعیا پَخَمَر نِیسیاء:

«خداون موشی: وه ژِبیاین ووژم قسم گه

هر زُنی إِبُرور مِین مَچمی

ئو هر زوئونی اعتراف مِهئَه خدا.»

۱۲ إسه هر گم از ایمه حساو ووژَ خدا مِئَه دُما. ۱۳ إسه، بورِن آژِیر دُما آر یِکتری قضاوت نِهیم. بَلِکِم إجالی، قَص بَهن گه هُیچ کُچکی گه پا گِیر بَهِیتی آری ئو باعث آر زُی گِئِن بو یا چِیئی آرَنوم رُئی پِراتو نِین. ۱۴ مه انوم عیسی خداون مَذاَیم ئو قانی بَیم گه هُیچی ووژ آرِه ووژ نِجس نِی. مِنَتائای آرِه کسی گه نِجس مَذاَیتی، نِجس. ۱۵ آرِیگه آر بِرَات وه چِیئی گه تون مِیرِین اذیت ماو، دِیر وه مَحبت رِفدار نِمِهین. وه چِیئی گه مِیرِین، بِرا ووژت گه مسیح وه خاطر اوا مِرد، نابود نِهه. ۱۶ إسه نِیلِن گن بوشن آ چِیئَه گه هَمه خَوءَ مَذاَنینوئی. ۱۷ آرِیگه پاتِشائی خدا هَارِدَن ئو خَزَدائن نِی، بَلِکِم صالِح بَیئِن، صُئِل و سِلَامتی، ئو خَوشی انوم رُوح القدس. ۱۸ هر کی هُن خِلمت از مسیح بَیه، خدا قَبول مِیهیتی ئو مِردِم بِش تاید مَهنی.

۱۹ إسه بورِن وه دُم چِیئیکا بوئِیمو گه باعث صُئِل و سِلَامتی ئو تقویت ایمو یِکتری ماو.

تاگه وَه قَضَه لِمِ ثُو كَارْلَمِ خِرِيهَوْدِيلِ بَهَمِ فِرْبَوْبَرِ
ایمو، ^{۱۹} وَه قَوِیتِ نَشَوْنَهَلِ ثُو مُجْرَهَلِ، وَه
قَوِیتِ رُوحِ خُدا، هُنْ گه اژ شیر اورشلیم تا
ایلیریکوم دورم دا، خِلْمَتِ انجیلِ مَسِیْحِ کَامِلِ
وَه اَنْجُومِ رَسُو. ^{۲۰} آواخْدِمِ هَرِ یَه بَیْسِ گه
انجیلِ! جَای موعظه بَهَمِ گه تا اِسْگه ثُم
مسیحو نَشْتَفْتِی، تاناخواد اَرسِرِ بِنَاوَه کِسی تر،
بَسارِمِ، ^{۲۱} بَلِکَمِ هَرُهْنِ گه اِنُومِ کِیتاو اِشعیا
پَخْمَرِ نُیْسِیاءَ:

«اونلی گه خَوْرُونِ آژی ناآشد، موئین،
ثُو اونلی گه نَشْتَفْتَوْنِیو، مَفْمِین.»
^{۲۲} آژوَنَس، چن گِلِ نوامِ گِیرِیا گه بامِ اِزه
تَکْتو.

نَشَخَه پوْلَسِ اَرِه یِگه روم بوئینی

^{۲۳} مِنتائای اِسْگه، اَرِیگه اِنُومِ اِبی هِیالِل، دَیرِ
جَای نَمَنی کارِ بَهَمِ، ثُو وَه چوینا گه چن سالِ
شوقِ دَیرِمِ بامِ اِزه تَکْتو، ^{۲۴} اَمِیدوارِمِ اَرِ سرِ رُئی
اسپانیا، بامِ بوئینیمتو تاگه دُما یِگه هُمَه دی،
مِنِ سَفرِمِ اِزه اوَرِه یاری دِینو. ^{۲۵} مِنتائای اِسْگه،
مِیا بَچِمِ اِزه اورشلیم تاگه اَرِه اِیمودازلِ مَسِیْحِ
کَمکِ نَخدی بَیرِمِ، ^{۲۶} اَرِیگه کَلِیسائِلِ هِیالِلِ
مَقْدُونِیَه ثُو اَخائِیَه صِلانَو دی گه اَرِه اِیمودازلِ
ژارِ اورشلیم پیلِ رِ گن. ^{۲۷} اوَنلِ ووژو صِلانَو
دی اِی کارِ بَهَن: ثُو اِراسی دِنِ اوَنلِ! مِلو بی،
اَرِیگه اَرِ خِرِیهَوْدِیلِ اِنُومِ بَرِکْتَلِ رُوحانی یِهودِیلِ
هُمِ بَیرا بَینِ، یِهودِیلِشِ بَسِ هَرُهْنِ اِنُومِ خِلْمَتِ
بَرِکْتَلِ مالی اوَنلِ، هُمِ بَیرا بوئن. ^{۲۸} اِسَه، وَخدِی
اِی کارَمِ تَمومِ کِردِ ثُو چِیئَلِی گه جِیمِ بَی رَسونَمِ
دَسو، اژِ رُئی هُمَه، مَجَمِ اِزه اسپانیا. ^{۲۹} مَذانِمِ
گه وَخدِی بامِ اِزه تَکْتو، وَه بَرِکْتِ کَامِلِ مَسِیْحِ
مَام.

^{۳۰} اِیرال، وَه خاَطِرِ خِداونمو عِسی مَسِیْحِ
ثُو مِحَبَتِ رُوحِ القُدس، خِواهَشْدَتونِ اَرِئِنِ مَهَمِ

قَوْمَلِ خِرِیهود، خِدا اَرِه رِیْمَتِی جِلالِ دَن. هَرُهْنِ
گه اِنُومِ نُسَخِ مَقْدَسِ نُیْسِیاءَ:

«وَه اِی خاَطِر، تون اِنُومِ قَوْمَلِ خِرِیهود،
شُکْرِ مَهَمِ،

ثُو اَرِه ثُمِ تو دَنگِ اِزمارِمِ.»

^{۱۰} هَنی موشی:

«اِ قَوْمَلِ وَه گِردِ قومِ او خِوشالی بَهَن!»

^{۱۱} ثُو هَمِیشِ موشی:

«اِ کُلِ قَوْمَلِ، خِداونِ سَتائِشْتِ بَهَن!

ثُو اِ کُلِ مَلتِلِ، جِلالِ دَنی!»

^{۱۲} ثُو اِدِواَرِه اِشعیا پَخْمَرِیشِ موشی:

«رِیشِ یِسا مای،

هَرِ آوَه گه اَرِه کِیمرونی اَرِ قَوْمَلِ خِرِیهود،
هَیْرَمَگِری؛

ثُو اَمِیدِ قَوْمَلِ خِرِیهود هارِ او.»

^{۱۳} اِسْگه خِداءِ اَمِید، هُمَه اژِ کُلِ خِوشی ثُو
صُئَلِ وِسیلامتی اِنُومِ اِیمو، پرا کِ تاگه وَه قَوِیتِ
رُوحِ القُدس، پَرِ اژِ اَمِیدِ بوئینو.

پوْلَسِ خادِمِ خِرِیهودیلِ

^{۱۴} اِیرال، مِه ووژِمِ اِبارَه هُمَه اطمینو دَیرِمِ
گه هُمَه ووژتو پَرِ اژِ خوئینو، ثُو پَرینونِ اژِ
کُلِ سَناختِ ثُو مَتونینو تَیلِیمِ یَکْتِری دِینو.
^{۱۵} مِنتائای فَرِه جِساَرِیمِ کِرد، اِبارَه چن جِیمِ
اَرِه هُمَه نُیْسو، تاگه بَارُمونِ وِیرتو، وَه سونگِ
اَفِیضِ گه خِدا بَشَخِیسی ثُونِمِ ^{۱۶} تاگه خادِمِ
مَسِیْحِ عِسی اَرِه خِرِیهودِیلِ بوئمِ ثُو اِجورِ
کاهنی! خِلْمَتِ انجیلِ خِدا، تاگه خِرِیهودِیلِ
پِیشگِشی باوِ دَلِ خِدا بوئن گه وَه سونگِ
رُوحِ القُدس تَقْدِیسِ بَی.

^{۱۷} اِسَه اِنُومِ مَسِیْحِ عِسی، خِخِ دَیرِمِ وَه
خِلْمَتِ کِردنِ ووژِمِ اَرِ خِدا، بِنازِمِ. ^{۱۸} اَرِیگه
جِوَرْتِ نَمَهَمِ اِبارَه چِیئِی قَضَه بَهَمِ، بَچِرِ اژِ
اَ چِیئَه گه مَسِیْحِ وَه سونگِ مِه، اَنْجُومِ دانی

۲۵ اِسْگَه جِلال آر او گه مَتونی مِطابق
انجیلی گه مَن اِبازَه عیسی مسیح موعظه
مَهَم، تقویتو کِ، -مِطابق مِکاشفَه آ رازَ گه
آرَه زمونَهل دِریژِی آشاریا مَنوئی. ۲۶ ئو اِسْگَه
گَتِیس در ئو وَهسونگَ نُسخ پَحْمَزَل، مِطابق
حِکَم خدائِ ابدی آشگارا بَیس آر کُل ملثل، تاگَه
اونل ایمو بارن ئو اطاعت بَهَن- ۲۷ وَهسونگَ
عیسی مسیح تا ابد جِلال آر او گه یِکونَه خدائِ
دوناء! آمین.

۲۱ هُمکارِیم تیموتائوس سِلامتون ئونَ مَرَسِی. قوَمَلِیم لَوکیوس، یاسون ئو سوسِپاتروس یَش سِلامَ مَرَسِین.
۲۲ مِه، تِرتیوس، کسی گه اپی نَامَه نُیسونی، اِنوم خداون سِلامتون ئونَ مَرَسِیم.
۲۳ گایوس یَش گه مَن ئو کُل کَلِیسا مِمونیمی، سِلامتون ئونَ مَرَسِی.
اِراستوس گه خزینَه دار شِیر، ئو بِرامو کوآرتوس سِلامتون ئونَ مَرَسِین.
۲۴ [«فیض خداونمو عیسی مسیحَ گرد کُلتو بو. آمین».]

